

Масжид йўқолган нарсаларни топиб берадиган идора эмас



16:30 / 20.06.2021 2781

أَقَامَ لَسَوْ وَهِيَ لَعْلَعُ لَلِإِلَّهِ صَبَّ نَلَا نَعُ ، هُنَّ عُلُ لَلِإِلَّهِ صَرَّ رَهْرَهْ بِأَنْع
كُلَّيْلَعُ هَلَلَا هَدَّرَ أَلْأَقْيَلَفِ دَجْسَمَلَا يَفَّ ةَلْأَصُّ دُشْنِي أَلْجَرَعَمَسُ نَم
دَوَادُ وَبَأُوْمَلْسُمُ هَاوَر . أَدُولَ نَبْتُ مَلَّ دَجَّاسَمَلَا نِإْف

Абу Ҳурайра розияллоҳу анҳудан ривоят қилинади:

«Набий соллаллоҳу алайҳи васаллам:

«Ким масжидда йўқолган нарсасини сўроқлаган одамни эшитса, унга
«Аллоҳ уни сенга қайтармасин. Масжид бунинг учун бино қилинмаган»,
десин», дедилар».

Муслим ва Абу Довуд ривоят қилганлар.

Шарҳ: Масжидда туриб, йўқолган нарсани эълон қилиш, уни излаш мумкин эмас. Чунки масжид ибодат масканидир. Йўқолган нарсаларни топиб берадиган идора эмас.

Аммо масжид эшигидан ташқарида у ерга келганлардан йўқолган нарса ҳақида маълумот сўраса бўлади. Ушбу нарсага ниҳоятда эътиборли бўлишимиз лозим.

Баъзи жойларда имомлар минбарда туриб, йўқолган нарса ҳақида эълон қиладилар. Бу тўғри иш эмаслиги ҳадисдан кўриниб турибди.

لَا أَقِفُ لِحَرَمٍ أَقَى لَصَّ أَمَلٍ مَّسْوَءٍ لَعَلَّ هَلْ لِي صَيِّبٌ نَّانٍ مِّنْ سُمْ لَو
أَمَّنْ إِنِّي تَدَجُّو آلَ مَّسْوَءٍ لَعَلَّ هَلْ لِي صَيِّبٌ لَعَلَّ لِي إِعْدَانٌ
هُوَ تَيِّبٌ أَمَلٌ دَجَّاسٌ لَتَيِّبٌ

Имом Муслим ривоят қилади:

«Набий соллаллоҳу алайҳи васаллам намоз ўқиб бўлганларида бир одам ўрнидан туриб:

«Ким қизил туяни кўрди?» деди.

У зот соллаллоҳу алайҳи васаллам:

«Уни тополмагин. Масжидлар ўзлари бино қилинган нарса учун бино қилингандир», дедилар».

Шарҳ: Бу ҳадисда ҳам масжид ичида йўқолган нарсани сўраб бўлмаслиги ҳақида сўз бормоқда.

«Ҳадис ва ҳаёт» китоби асосида тайёрланди